

Diskripshon di funshon den Unkobon

Direktiva

Direktiva di Unkobon ta konsistí di tres miembro: presidente, sekretario y tesorero.

A kontinuashon diskripshon di e funshon y tarea korespondiente di un presidente

Direktor di Unkobon (Presidente di e direktiva)

Profil

E direktor ta un dirihente servisial ku interes pa e komunidad boneriano y ku ta dispuesto pa boluntariamente duna su mes na e komunidad aki. E presidente mas bien ta e persona sentral y no doño di e organisashon.

- E ta kara di Unkobon. E ta komuniká fasil na papiamentu y na hulandes
- E ta un representante ku por buska y mantené kontakto y ku por convensé y influenshá otro
- E ta un persona ku ta duna importansia na koperashon. Stimulando koperashon e ta trese union y entusiasmo pa krea asina espasio pa ambishon di hende
- E ta inspirá y entusiasamá hende inbolbiendo nan den vishon y desishon
- E ta un persona táktiko, operashonal y progresivo

Diskripshon di funshon

E presidente mester keda na altura di desaroyo riba tereno soshal, maneho gobermental y otro desaroyonan èksterno (manera e.o. proposishon pa kambio di un lei) y kòmbertí e konosementu aki efektivamente, konforme e nota di strategia di Unkobon, den akshon. E ta delegá, ku sosten di e koordinadó, tareanan ehekutivo na gruponan di trabou kual e a forma ku boluntarionan kompetente. E ta duna e gruponan di trabao instrukshon di loke tin wòrdu hasí. E ta stimulá y entusiasamá e boluntarionan y ta tene su mes informá ku progreso di e tareanan.

Un parti mashá importante di e funshon ta di buska y mantené kontakto èksterno, atendé ku prensa y tambe tene kontakto regularmente ku e miembronan.

E presidente ta raportá regularmente e desaroyo di e organisashon na e Konseho di Supervishon. Esaki ta sosodé por eskritu òf oral. Kaminda ta nesesario e ta reuní ku e órgano di supervishon aki.

Responsabilidatnan

Perkurá pa:

- redaktá y adaptá anualmente e nota di strategia
- redaktá anualmente e plan anual konforme e nota de strategia aprobá pa Konseho di Bònt
- redaktá anualmente e presupuesto pa mas aña
- redaktá anualmente e presupuesto pa un aña
- redaktá anualmente e nota di evaluashon
- redaktá anualmente e estado finansiero

Kantidat di tempu invèrtí lo ta mas o menos 8 pa 12 ora pa siman